



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLXXVII. ad annum DXC.

**Parisiis, 1644**

Epistola XL. Gregorii Papae I. Ad Valentinvm Abbatem. Ne monachi  
feminas in monasterium inducant, aut eas sibi commatres faciant.

**urn:nbn:de:hbz:466:1-15221**

## EPISTOLA XL.

GREGORII PAPÆ I.

AD VALENTINVM ABBATEM.

Ne monachi feminas in monasterium inducant,  
aut eas sibi commatres faciant.

*Gregorius Valentino abbatii.*

**P**ERVENIT ad nos quod in monasterio tuo passim mulieres ascendant, & quod adhuc est grauius, monachos tuos mulieres sibi commatres facere, & ex hoc incautam cum eis communionem habere. Ne ergo hac occasione humani generis inimicus sua eos, quod absit, calliditate decipiat; ideo huius te præcepti serie commonemus, ut neque mulieres in monasterio tuo deinceps qualibet occasione permittas ascendere, neque monachos tuos eas commatres sibi facere. Nam si hoc denuo ad aures nostras quocumque modo peruererit, sic te seuerissimæ noueris vltioni subdendum, ut emendationis tuae qualitate ceteri sine dubio corrigantur.

## EPISTOLA XLI.

GREGORII PAPÆ I.

AD BONIFACIVM MAGNIFICVM AFRICÆ.

De fide sua apud sanctum Petrum exponenda.

*Gregorius Bonifacio magnifico Africæ.*

**S**i ita, ut audieram, magnitudo vestra intentione soliciata de animæ suæ salute cogitaret, nequaquam se mihi de fide sua per epistolas, sed per sémetipsam potuit responderem. Nam quod in excusationem molestia corporalis adducitur, expectato salutis tempore laborem summopere potuisti pro commodo æternæ salutis assumere, ut & vos de nostra ratione, & nos de vestra credulitate gaudemus. Ea enim quæ in meis scripti epistolis, replicanda nunc non sunt, neque aliqua ratiocinatione monstranda: quia apud nolentis animum, quamuis sit euidentis ratio, hoc ipsum quod non vult obstaculum obedientiæ esse solet. Sed per vos venite, & beati Petri apostolorum principis liminibus vosmet præsentate, & cuncta quæ scripsi, nisi ex

Grat. 18. q.  
2. cap. 20.  
Iuo p. 3. c.  
18.  
Anf. lib. 7.  
cap. 183.  
Ioan. diac.  
lib. 2. c. 34.

S.Bonau. I.  
2.phar.cap.  
44.